

JÓLAGLEÐI I - vettlingar úr Kambgarni fyrir fullorðna eftir Ágústu Þóru Jónsdóttur

Garn	Kambgarn
prjónar	Prjónar nr 2 fyrir stroff og 2,5 fyrir vettling
Stærð	Miðlungs
litur 1	Rauður
litur 2	Hvítur
Lykkjur teknar frá fyrir þumal	10 lykkjur
lykkjufjöldi í stroffi	50 lykkjur
Lykkjufjöldi í vettling	56 lykkjur
X	Sláið upp á prjóninn áður en lykkjan er prjónuð
0	Takið eina lykkju fram af prjóni, prjónið tvær lykkjur saman og sláið fyrstu lykkjunni yfir þær tvær sem prjónaðar voru saman
Hvaða góðu ráð eiga við	5,6,7, Bls 128 í bókinni Hljýjar hendur

Uppskrift:
 Fíftíð upp 50 lykkjur á prjóna númer 2,0, prjónið samkvæmt mynd, hvert munstur er 10 lykkjur og 6 umferðir, til að forðast rugling í talningu munstursins er gott er að hafa 10 lykkjur á þremur prjónum, og 20 lykkjur á þeim fjórða. Munstrið er endurtekið þrisvar sinnum, þá er stroffi lokið. Skiptið yfir á prjóna númer 2,5, aukið út 6 lykkjur, 1-2 lykkjur á hvern prjón og prjónið samkvæmt mynd. Þumall er merktur inn í myndina hann er 10 lykkjur.


Þumall:
 Prjónið fyrstu fjórar lykkjur þriðja prjóns. Síðan eru 10 lykkjur prjónaðar á aukaband (helst í ólíkum lit). Færið lykkjurnar úr aukabandinu til baka yfir á vinstri prjón og prjónið þær aftur með bandinu úr vettlingnum. Þegar búið er að prjóna allan vettlinginn eru lykkjurnar í þumlinum raktar upp, og settar á 4 prjóna. Takið upp 2-3 lykkjur í hvori hlið til viðbótar svo göt myndist ekki við þumalinn. Gott er að miða við að hafa 5-6 lykkjur á hverjum prjóni. Hægt er að prjóna aukalykkjurnar saman ef þær verða of margar eða laga göt þegar verið er að ganga frá endum úr vettlingnum. Prjónið þumal samkvæmt munstri.

Úrtaka í þumli:

Fyrsti prjónn: Prjónið fyrstu lykkjuna, takið aðra lykkju óprjónaða yfir á hægri prjón, prjónið þriðju lykkju og steypið óprjónuðu lykkjunni yfir hana, prjónið síðan út prjóninn. Annar prjónn: Prjónið þar til 3 lykkjur eru eftir á prjóninum, prjónið þá tvær lykkjur saman, og klárið prjóninn. Þriðji prjónn: eins og fyrsti. Fjórði prjónn: eins og annar prjónn. Prjónið eina umferð án úrtöku, úrtakan er endurtekin í hverri umferð þangað til 2 -3 lykkjur eru eftir á hverjum prjóni, slítið þá endann frá og dragið í gegnum lykkjurnar sem eru eftir.

Úrtaka

Úrtakan er 3,2,1 og er framkvæmd á eftirfarandi hátt: **Fyrsti prjónn:** Prjónið fyrstu tvær lykkjurnar, takið þriðju lykkju óprjónaða yfir á hægri prjón, prjónið fjórðu lykkju og steypið óprjónuðu lykkjunni yfir hana, prjónið síðan út prjóninn. **Annar prjónn:** Prjónið þar til 4 lykkjur eru eftir á prjóninum, prjónið þá tvær lykkjur saman, að lokum síðustu tvær lykkjurnar. **Þriðji prjónn:** Prjónið fyrstu lykkju, takið aðra lykkju óprjónaða yfir á hægri prjón, prjónið þriðju lykkju og steypið óprjónuðu lykkjunni yfir hana, prjónið síðan út prjóninn. **Fjórði prjónn:** Prjónið þar til 3 lykkjur eru eftir á prjóninum, prjónið þá tvær lykkjur saman, að lokum síðustu lykkjuna. Prjónið nú þrjár umferðir og takið svo úr í fjórðu umferð á sama hátt og í fyrstu umferð. Prjónið aftur tvær umferðir og takið úr í þriðju umferð. Prjónið eina umferð í viðbót og takið svo úr í hverri umferð þar til 2-3 lykkjur eru eftir á hverjum prjóni. Slítið bandið frá og dragið endann í gegnum lykkjurnar sem eru eftir.



Hægri vettlingur er lesinn frá hægri til vinstri, vinstri vettlingur er lesinn í hina áttina, frá vinstri til hægri.